

聖無能勝金剛火陀羅尼經

宋西京藏經散大夫試鴻臚少卿傳教大師法華 詔譯

如是我聞一時佛在妙高山寶峯樓閣之中
以種種金寶而用莊嚴出無數光周匝照耀
於諸山巖復有栴檀沉水塗香栴香種種名
華及諸寶蓋鈴鐸如是嚴飾爾時有天龍夜
叉阿脩羅乾闥婆迦樓羅緊那羅摩睺羅伽
及持明仙部多頻那夜迦毗舍左有形無形
未怛里眾等來集會坐可徧五百由旬復有
菩薩摩訶薩七千五百人苾芻眾一萬二千
五百人俱來會坐而爲聽法爾時會中天龍
夜叉阿脩羅乾闥婆迦樓羅緊那羅摩睺羅伽
及持明仙眾部多頻那夜迦毗舍左有形
無形未怛里眾等高聲唱言苦哉苦哉時釋
迦牟尼如來應正等覺而復問言汝等云何

高聲唱言怖畏苦惱彼眾等白言世尊我被
大力聖者恐怖降伏而今來此惟願慈悲特
垂救護世尊告言今此一切最上廣大曼拏
羅中有菩薩摩訶薩得大地補處當紹灌頂
法王之位而能覺悟善惡諸業當爲安慰汝
之心意說是語已剎那之間有菩薩摩訶薩
名金剛手如金剛山放金色光普照世界頂
戴寶冠面如滿月手執金剛棒金剛檄金剛
縑索具大福力能破諸惡領五千金剛族而
爲眷屬其名曰金剛難拏大將金剛縛日囉
二誡囉婆大將金剛縛日囉二計都大將金
剛縛日囉二縛婆娑大將金剛你攞縛日囉
二大將金剛囉怛曩縛日囉二大將金剛王
呬也縛日囉二大將金剛作訖囉縛日囉二
大將金剛摩訶縛日囉二難拏主金剛護世

則十

十八

明王及金剛魔金剛頻那夜迦金剛曜童子
金剛烏婆多囉迦金剛大惡等俱來集會大
曼拏羅中放清淨光照曜一切能令衆生心
懷歡喜時金剛手菩薩偏袒右肩頂禮佛足
右遶三匝合掌住立爾時世尊勅金剛手菩
薩言今此會中有天龍夜叉阿脩羅及諸部
多之類高聲唱言怖畏苦惱汝爲安慰令彼
快樂於是金剛手菩薩即從座起於天龍阿
脩羅等部多衆前入三摩地名最上金剛器
仗光明燈發大神通令三千大千世界雷電
閃電如大火焰是諸衆生見是事已即除苦
惱怖復有恒河沙數衆生見是事已發清
淨梵行持戒忍辱心一切財寶施金剛手菩
薩皆願隨從聽受妙法是時金剛手菩薩即
爲天龍夜叉之衆說四諦緣生三摩地門十

波羅蜜及本金剛族大曼拏羅儀則之法所
有梵王天大自在天縛嚕拏俱尸羅摩嚕多
識嚕拏那羅延天琰魔天帝釋天而得成就
者阿脩羅乾闥婆而得成就者乃至諸惡部
多大羅叉等難調伏者而能調伏懷惡心者
而發善心懷邪見者而得正見懷瞋恚者而
起慈悲懷愚暗者而能明了先具強力者而
失強力先能隱身者而不能隱他真言能自
禁斷自真言能求圓滿住曼拏羅中覺悟調
伏當如是等爾時佛勅金剛手菩薩汝爲宣
說無能勝金剛火大陀羅尼令彼受持金剛
手菩薩即以此陀羅尼真實威德之力放大
光明照彼天人阿脩羅等一切賢聖大會之
衆復以陀羅尼力故而令日月星宿光明不
現大海涌沸妙高山王悉皆震動爾時大光

焰藏金寶峯中有金剛手童女變化自身如
大熾焰即往虛空至大力菩薩摩訶薩前右
遶三匝歸命頂禮住立一面告彼衆曰金剛
手菩薩說如來三摩地心汝等當宜各捨金
剛器仗等求此大陀羅尼法時世界主大梵
王天人阿脩羅等俱發聲言如菩薩勸我今
奉行於是大自在天捨三股叉那羅延天捨
輪琰魔天捨杖俱尾囉天捨棒帝釋天捨金
剛杵摩嚧拏天捨絹索天魔捨其障難阿脩
羅捨其威力摩嚧多捨其迷著母鬼衆離於
散亂龍神衆離於毒夜叉羅刹緊那羅毗
舍左部多沒囉賀摩羅刹娑鳩槃荼等皆去
威力於菩薩前一心恭敬金剛手即說陀羅
尼曰
曩謨引囉怛曩合怛囉合夜引野曩摩室戰

合拏縛日囉合播引拏曳引摩賀引藥乞叉
合細引曩引鉢哆曳引怛你也合他引怛他
引誡多三摩引地駄囉尼末引縛里多合以
瑟也合彌曠咄縛日里合俱胝羅俱胝播
引縛迦俱羅尸契迦閑羅計尸怛致尼致祖
引致謨引吒你迦里迦合致毋致縛致縛日
哩引合尾禰愈合路隸合母俱毋俱酥毋酥
毋婆囉娑囉娑普合吒娑普合吒娑普合吒
娑普合吒烏你愈合帝引實誡隸左致尾左
致入縛合羅賓誡隸薩里縛合禰縛誡拏鉢
囉合賀囉拏摩引野引悉地捺引以計酥嚧
嚧引縛日囉合具引尼引涅里合茶娑囉鉢
囉合賀囉尼囉怛曩合怛囉合野引禰迦羅
部帝引縛日囉合馱囉尾濕縛引娑你迦
引鉢囉合賀哆鉢囉合摩里那合你娑縛合

引賀

若此陀羅尼有人聞已一心讀誦憶念受持
是人得入一切世間出世間曼拏羅三昧若
人隨喜恭敬是不爲禁呪諸毒及一切恐
怖之所惱害爾時佛勅金剛手菩薩大陀羅
尼時欲色諸天一切天子於空界中兩種種
殊妙香華而用供養復以微妙梵音歌詠讚
歎時大曼拏羅會一切聖賢苾芻衆等并大
菩薩摩訶薩皆大歡喜信受奉行

聖無能勝金剛火陀羅尼經

則十

二